



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCCLI. ad annum CCCCLXXV.

Parisiis, 1644

LIV. Epistola Episcoporvm Paphlagoniæ Regionis, Ad Leonem Avgvstvm Imperatorem. Piissimo & Christianissimo, amabili imperatori, & regnum cælestium possidenti Augusto Leoni, Petrus, Ætherius, ...

urn:nbn:de:hbz:466:1-14887

ANNO CHRISTI 451.
lium confirmavit : nec non & de Timotheo , qui precibus accusatus est : & multis temporibus a Deo seruari vestrum oramus imperium.

Vranius episcopus Iboreæ , similiter.

Erythrius episcopus Amisi , similiter.

Ælianus episcopus Sinopenfis , similiter.

Hyperitius episcopus Tili , similiter.

Paulus episcopus Adratenus , similiter.

LIV.

EPISTOLA EPISCOPORVM
PAPHLAGONIÆ REGIONIS,
AD LEONEM AVGVSTVM IMPERATOREM.

*Piissimo & Christianissimo , amabili imperatori , & regnum
cælestium possidenti Augusto Leoni , Petrus , Ætherius , Olym-
pius , Saturnellus , Hyperius , episcopi Paphlagoniæ regionis.*

EREXISTIS equidem olim Dei sanctas ecclesias , pri-
mum hoc iustum sacrificium offerentes Domino
Christo , quod iura omnia pietatis transcendat , & pro-
priam virtutem habeat : & quatenus ea quæ a diuæ me-
morix Marciano constituta sunt , firma permaneant.
Nunc itaque orta nobis est Christo amabilis , & regnum a
diuinitate suscipiens vestra tranquillitas , vt magna in-
tentione concordix & indiuisæ rectæ piæque seruetur fides
in sanctis Dei vbique constitutis ecclesiis. Agnouimus ete-
nim vestræ pietatis oraculo , quia pro Alexandrinæ ciuita-
tis pace curam maximam habeat vestra serenitas. Ex pre-
cibus autem subiectis inuenimus , Proterii quidem bea-
tæ memoriæ ab eadem ecclesia facta exclusione , & voluif-
se Timotheum in eadem ciuitate sumere pontificatus of-
ficii , & machinatum , vt memoratus vir cum pœna de
præsenti vita recederet. Ad hæc autem confiteri Timo-
thei sectatores , quia trecentorum quidem decem & octo
patrum , & Concilii Ephesi congregati sequantur fidem :
centum vero quinquaginta sanctorum patrum Concilium
in regia ciuitate celebratum , & sanctam & vniuersalem
Calchedonensem Synodum denegare noscuntur. San-
cientes ergo quæ communiter sapimus episcopi Paphla-
goniæ regionis , ad notitiam pietatis vestræ deducimus.

Præcedente siquidem nostra oratione ac supplicatione ad Dominum nostrum Iesum Christum emissa pro vestra serenitatis imperio, & vnitæ sanctorum ecclesiarum, & cum multa deliberatione diuinas literas intuentes, & preces subiectas eis; vestrae pietati suggerimus, quia cuncti ante nos Deo amabiles episcopi doctrinam sanctorum euangeliorum & apostolorum percipientes, & sequentes fidem sanctorum patrum apostolicam confessionem docentium, tradiderunt nobis vnam cum fidei populo huiusmodi fidem. Vnde Dominum & Deum nostrum orantes, rempublicam potentiamque vestram a Deo nobis concessam longa ætate seruari, nequaquam separamur a traditione decem & octo sanctorum patrum, neque Concilium sanctorum centum quinquaginta in regia ciuitate celebratum, neque sanctam & vniuersalem Synodum in metropoli Calchedonenfi factam*: sed neque augmentum aut imminutionem a traditione sanctorum trecentorum decem & octo patrum eas habere dicimus, sed ad peremptionem eorum factas, qui quantum ad se, gratiam sancti Spiritus denegare noscuntur, & in sancti mysterii Christi Domini dispensatione*. Quamobrem repugnant, & contumelias inferunt etiam illi magno sanctoque Concilio trecentorum decem & octo sanctorum patrum. Non enim sine periculo esse putauerunt sancti patres, si tacerent hæreticorum incredulitatem, nitentium sancti illius Concilii iura* conuertere, & non aperta narratione sanctam veramque fidem omnibus explanarent. Quapropter ostenditur, quia isti qui nunc sancta Concilia denegant, non zelo pietatis, sed inconstanti contentiosaque sententia non solum contumelias patribus sanctis inferunt, sed etiam vniuerso ordini sacerdotum. De Timotheo vero, & quæ ab eo machinata dicuntur (si tamen verae preces sunt, quas vestrae serenitati porrexerunt reuerendissimi clerici Alexandrinae ciuitatis, & sanctissimi episcopi Ægyptiacæ diocesis) dicimus quia dura videntur & valde crudelia quæ ab eo commissa sunt, & cunctos iniquitatis terminos tali operatione transcendunt, ita ut non solum sacerdotii gradu probetur indignus, sed etiam ab ordine sit laicorum remouendus, præsumens cum multis criminibus quæ gessit, contumelias quoque Conciliis

ANNO
CHRISTI
431.* f. Anb.
errant.* f. con-
ueller.* pro
me &
sanctiss.
episcopo
Hypre-
no, eo

ANNO
 CHRISTI
 451.

sanctis inferre: de quo Domini quidem Dei opus est, vt
 ei remittatur opus quod fecit aduersus sacerdotem nihil
 sibi nocentem: vestrum vero est, triumphator maxime
 principum, vt iustum sacrificium offeratis Domino Deo,
 tantorum scelerum vindictam vobis placitam facientes.
 Deprecamur autem, & vestram pietatem totis viribus
 exoramus, vt apostolicam doctrinam in quam creditis,
 immobilem conseruetis in pace multa & tranquillitate
 sub vestrae pietatis imperio, & in clero & omni populo
 in fide saluberrima constituto, & vt eis qui inaniter alia
 Concilia fieri desiderant, resistatis, & vt nobis vestra pie-
 tate donetis, quatenus sub quiete degentes, secundum
 fidem & traditionem sanctorum patrum confitentes, in
 pace inuiolabili & disciplina seruemur, orationi diuinae
 supplicationique vacantes, & vita atque conuersatione
 Domino Christo placentes, ad honorem orthodoxae fidei:
 & fundentes Domino Deo preces pro vestra serenitate,
 quatenus Dominus Christus vestrae pietatis imperio sua
 infundat dexterarum claritatem, quae vos sua pace conser-
 uet, & fortitudinem vobis atque virtutem praestet, simul
 magnificentissimis maximisque proceribus, & gloriose
 sapienti iustissimoque vestro senatui, ad peremptionem
 ferocitatis malignorum, & vnanimitatem sanctarum
 Christi ecclesiarum, & totius Romanae pacis & disci-
 plinae.

Petrus episcopus Gangrenae metropolis sanctae Dei ecclesiae,
 manu mea subscripsi, & secundum sanctionem vestrae pietatis pro-
 pria sententia declarauit, sicut in hac epistola probatur esse praedi-
 ctum, vna cum Deo amantissimis episcopis nostrae prouinciae, quam
 habemus voluntatem in orthodoxa fide trecentorum decem &
 octo sanctorum patrum Nicenae conuenientium, quam & sanctum
 Calchedonense Concilium confirmauit: nec non & de Timotheo,
 qui in precibus accusatus est: & oramus orthodoxum & Christi
 amabilem principatum vestrum multis a Deo Domino conseruari
 temporibus.

Aetherius episcopus Pompeiopolis, similiter.

Olympius episcopus Surenensis, similiter.

Saturnellus episcopus Amastrenae ciuitatis, * pro sanctissimo epi-
 scopo, eo quod aegrotaret, subscripsi similiter.

* f. pro
 me &
 sanctiss.
 episcopo
 Hypo-
 tio, eo